

ДОРНОД АЙМАГ
БУСИЙН ОНОШЛОГОО ЭМЧИЛГЭЭНИЙ
ТӨВИЙН ЗАХИРЛЫН ТУШААЛ

2018 оны 09 сарын 25 өдөр

Дугаар A/60

Чойбалсан

Г
Дүрэмт хувцасны стандарт батлах тухай

Эрүүл мэнд спортын сайдын 2015 оны 189 дүгээр тушаалын хэрэгжилтийг хангах зорилгоор ТУШААХ нь.

1. Байгууллагын ажилтны ажлын байранд мөрдөх дүрэмт хувцаслалтын хэм хэмжээг хавсралтаар баталсугай.

2. Байгууллагын ажилтнуудыг ажлын байрны дүрэмт хувцасаар бүрэн хангах асуудлыг жил бүрийн төсөвт тусгаж шийдвэрлэхийг Эдийн засаг, санхүү эрхэлсэн дэд захирал /С.Ариунтуяа/-д үүрэг болгосугай.

3. Тушаалын хэрэгжилтэд хяналт тавьж ажиллахыг Чанарын албаны дарга /Д.Ганхүрэл/-д даалгасугай.





Байгууллагын ажилтны ажлын байранд мөрдөх дүрэмт хувцаслалтын стандарт

1. Нийт ажилтны ажлын байранд нийтлэг мөрдөх хувцаслалтын хэм хэмжээ:

1.1 Байгууллагын лого: Ажилтны халад, гадуур цамцны зүүн ханцууйн дээр, мөрнөөс доош 10 см зайд, гадуур хүрэмний зүүн талын энгэрт харилцагчийн нүдэнд шууд харагдахуйцаар байна.

1.2 Энгэрийн тэмдэг: Ажлын байранд ажил хариуцан гүйцэтгэж буй ажилтны зүүн талын энгэрт, харилцагчийн нүдэнд шууд харагдахуйц зүүх ба овог нэр, албан тушаал, тодорхой байна.

1.3 Эмнэлгийн малгай: Заавал малгай өмсөхөөр заасан тасаг, нэгжүүдэд үсийг бүрэн далдалсан, үйлчлүүлэгч, үйлчилгээ үзүүлэгчдийг халдвараас сэргийлэх нөхцөлийг хангасан байна.

1.4 Ажлын халад: Албан тушаалын онцлогт тохируулж цагаан, цайвар цэнхэр өнгөтэй, энгэрийн ухлаадас эгэм хүрсэн, гурвалжин болон дугуй захтай, урт ханцуйттай, 2 хажуу болон зүүн энгэрт халаастай, бие бариагүй, шулуун, ажил хэрэгч загвартай, хөдөлгөөн хязгаарлаагүй, урт нь хамгийн богинодоо өвдөг далдалсан, хамгийн уртдаа өвдөгнөөс доош 5 см байх бөгөөд суухад өвдөг халхалсан урттай байна.

1.5 Ажлын цамц: Ажлын онцлогт тохирсон, энгэрийн ухлаадас нь эгэм хүрсэн, гурвалжин болон бөөрөнхий захтай, битүү энгэртэй, бие бариагүй шулуун загвартай, ташаанаас доош урттай, 2 хажуу болон зүүн энгэрт халаастай байна.

1.6 Ажлын өмд: Бие бариагүй, хөдөлгөөн хязгаарлаагүй, 2 ташаанд нэмэлт халаастай, суудал өндөр, шагай хүрсэн энгийн загварын шулуун өмд байна.

1.7 Гадуур хүрэм: Дугуй захтай, задгай цахилгаантай энгэртэй, урт ханцуйттай, 2 хажууд далд халаастай, бие бариагүй, хөдөлгөөн хязгаарлаагүй байна.

1.8 Гутал: Эмнэлгийн зориулалтын зөөлөн ултай, хөлийн хуруунууд ил гаргаагүй, цайвар цагаан өнгийн гутал байна.

1.9 Үс: Үйлчүүлэгчдэд тусlamж үйлчилгээ үзүүлэхэд саад болохооргүй, урт бол шууж боосон, ажил хэрэгч засалттай, тод өнгийн сор болон будаггүй байна.

1.10 Ээмэг, зүүлт, бөгж, бугуйн цаг: Заасан ажлын байранд аюулгүй байдлыг хангасан энгийн жижиг ээмэг, зүүлт зүүнэ. Тусlamж үйлчилгээ, гардан ажилбар гүйцэтгэж буй эмнэлгийн ажилтан бөгж бугуйн цаг зүүхгүй, харин энгэрийн цаг хэрэглэж болно.

1.11 Оймс: Цайвар өнгөтэй, түрий нь хөлийн шагайнаас дээш 4 см аас доошгүй, тусlamж үйлчилгээ үзүүлэхэд саад болох уяа унжлагагүй байна.

1.12 Гарын хумс: Цэвэрхэн богино засалттай, тод будаггүй байна.

2. Ажилтан ажиллагсдын ажил мэргэжлийн хувцасны өнгө, загвар.

2.1 Эмч: Гадуур хүрэм, халад, цамц, өмд.

Гадуур хүрэм: Хар ногоон өнгийн бомбер хүрэм.

Ажлын халад: Цагаан өнгөтэй, гурвалжин бартаат захтай, тус хавсралтын 1.4 дүгээрт заасан халадны стандарт шаардлага хангасан байх.

Цамц: Ногоон өнгөтэй, гурвалжин захтай, тус хавсралтын 1.5 дугаарт заасан ажлын цамцны стандарт шаардлага хангасан байх.

Өмд: Цамцтай ижил ногоон өнгөтэй, тус хавсралтын 1.6 дугаарт заасан ажлын өмдний стандарт шаардлага хангасан байх.

2.2 Сувилагч: Гадуур хүрэм, халад, малгай, цамц, өмд.

Гадуур хүрэм: Цайвар цэнхэр өнгийн бомбер хүрэм

Малгай: Цагаан өнгийн сувилагч малгай

Ажлын халад: Цагаан өнгөтэй, дугуй захтай, тус хавсралтын 1.4 дүгээрт заасан халадын стандарт шаардлага хангасан байх.

Цамц: Тод цэнхэр өнгийн, дугуй захтай, хавсралтын 1.5 дугаарт заасан ажлын цамцны стандарт шаардлага хангасан байх.

Өмд: Цамцтай ижил тод цэнхэр өнгийн, тус хавсралтын 1.6 дугаарт заасан ажлын өмдний стандарт шаардлага хангасан байх.

2.3 Туслах сувилагч: Гадуур хүрэм, малгай, цамц, өмд.

Гадуур хүрэм: Цэнхэр өнгийн нэг төрлийн эрээн бомбер хүрэм

Малгай: Цайвар цэнхэр өнгийн малгай.

Цамц: Цайвар цэнхэр өнгөтэй, дугуй захтай, тус хавсралтын 1.5 дугаарт заасан ажлын цамцны стандарт шаардлага хангасан байх.

Өмд: Цамцтай ижил цайвар цэнхэр өнгөтэй, тус хавсралтын 1.6 дугаарт заасан ажлын өмдний стандарт шаардлага хангасан байх.

2.4 Цахим мэдээллийн ажилтан: Гадуур хүрэм, цамц, өмд/банзал.

Хүрэм: Цайвар цэнхэр өнгийн бомбер хүрэм.

Цамц: Цайвар шаргал өнгөтэй, дугуй захтай, хагас ханцуйтай, 2 хажуудаа халаастай, нарийн хар хөх өнгийн эмжээртэй байна.

Өмд /банзал: Цамцны өнгөтэй ижил цайвар шаргал өнгийн шулуун загварын чөлөөт өмд болон өвдөг далдалсан урттай шулуун банзал.

2.5 Яаралтай түргэн тусламжийн эмч: Гадуур хүрэм, ажлын цамц.

Гадуур хүрэм: Хар ногоон өнгийн / бусад эмч нарын адил/ бомбер хүрэм, ар нуруу хэсэгт тусгайлсан цацруулагч бүхий яаралтай түргэн тусламж гэсэн тэмдэгтэй байх .

Ажлын цамц: Ногоон өнгөтэй /бусад эмч нарын ажлын цамцтай адил/ гурвалжин захтай, тус хавсралтын 1.5 дугаарт заасан ажлын цамцны стандарт шаардлага хангасан байх.

2.6 Яаралтай түргэн тусламжийн жолооч: Гадуур хүрэм, цамц, өмд.

Гадуур хүрэм: Хар хөх өнгийн бомбер хүрэм, ар нуруу хэсэгт тусгайлсан цацруулагч бүхий яаралтай түргэн тусламж гэсэн тэмдэгтэй байх.

Ажлын цамц: Хар хөх өнгийн, гурвалжин захтай, тус хавсралтын 1.5 дугаарт заасан ажлын цамцны стандарт шаардлага хангасан байх.

Өмд: Хар хөх өнгөтэй, доод шилбэний хэсэгт цацруулагч бүхий тэмдэгтэй, тус хавсралтын 1.6 дугаарт заасан ажлын өмдний стандарт шаардлага хангасан байх.

2.7 Дэмжих үйлчилгээний ажилтан:

2.7.1 Үйлчлэгч, асрагч, тогооч: Гадуур хүрэм, малгай, цамц, өмд.

Гадуур хүрэм: Хар хөх өнгийн бомбер хүрэм.

Малгай: Цайвар цэнхэр малгай.

Цамц: Цайвар цэнхэр өнгийн нэг төрлийн эрээн, дугуй захтай, тус хавсралтын 1.5 дугаарт заасан ажлын цамцны стандарт шаардлага хангасан байх.

Өмд: Цамцтай ижил цайвар цэнхэр боловч цулгүй өнгөтэй, тус хавсралтын 1.6 дугаарт заасан ажлын өмдний стандарт шаардалага хангасан байх.

2.7.2 Инженер, техникч, сантехникч: Гадуур хүрэм, цамц, өмд.

Гадуур хүрэм: Хар хөх өнгийн бомбер хүрэм.

Ажлын цамц: Хар хөх өнгийн, гурвалжин захтай, тус хавсралтын 1.5 дугаарт заасан ажлын цамцны стандарт шаардлага хангасан байна.

Ажлын өмд: Цамцтай ижил хар хөх өнгийн, тус хавсралтын 1.6 дугаарт заасан ажлын өмдний стандарт шаардлага хангасан байна.

2.8 Бусад ажилтан. / няглан, нярав, бичиг хэрэг, архив /

Гадуур хүрэм: Хар хөх өнгийн бомбер хүрэм.

Ажлын халад: Цайвар цэнхэр өнгөтэй, гурвалжин бартаат захтай, тус хавсралтын 1.4 дүгээрт заасан халадны стандарт шаардлага хангасан байна.